

A2<sup>r</sup>

Den allerdurchleüchtigsten/ großmechtigsten/ vnüberwindtlichsten Fürsten vnnd Herrñ/ Herrn Carl dem Fünften Römischen Kaifer/ zu allen zeiten merer des Reichs: Inn Germanien/ zu Hispanien/ baiden Sicilien/ Jerusalem/ 7c. Vnnd Herrn Ferdinanden Röm. auch zu Hungern vnd Beheim/ Künigen/ Infanten in Hispanien/ Ertzherzogen zu Österreich/ 7c. Grauen zu Habspurg/ Fländern vnd Tyrol/ gebrüdern/ Vnnern allergnädigsten Herren/ alle wolfart von Got dem allerhöchsten/ mit vnnderwerffung mein vnnd meiner gehorfamsten vnderthänigsten diennft.

Allerdurchleüchtigst/ großmechtigst/ vnüberwindlichst Römisch Kaifer vnnd König/ aller gnedigst Herren. Got gepeüt/ die natur vnd gefetze wöllens/ vnd ist an jm felbs billich/ das meniglich die ordenlich öberkait/ feins vermögens/ mit höchster ereerbietung/ nach Got/ wirdigen soll: Wie dann vor zeiten/ bey vilen Völkern gebreüchig gewesen/ Das one niderlegung/ gebürlicher gaben/ vor des Königs angeficht/ zuerfcheinen/ niemanden gezimbt hat. Dweil ich dann kain embfigere begirde trag/ dann ewr Kai. vnnd Kün. Maieftaten/ meus vnderthenigsten gehorfams/ auch ain scheinbarlich ebenbild zuerzaigen/ So hab ich meine gedanken/ zum allertrefflichsten erforschet/ wie ich zu sollichem damit es ewr Kai. vnd Kün. Maieftaten angemen wäre/ kömen möchte: Aber in meiner vernunft/ die gleich wol gering ist/ nichts finden noch ergreifen können/ mit dem ewr Kai. vnd Künigliche Maieftaten/ als die großmechtigsten Herrscher/ vber das Christenthumb/hievor nit vberflüßig begabt wären / dann allain des hochberümbten Jfocratis klain Büchlin/ von regierung groffer Kü

A2<sup>v</sup>

nigreich / vngefårlich vor 3waytaufent Jaren/ zúm König Nicocli/ in Cypern/ mit höchster fcherpffe der vernunfft/ gefchriben: Welchs/ meins wiffens/ hie vor in ander dañ Griechifcher Sprache nie ann tag kommen: Aber difes lauffenden Jars/ durch den gelereten Thomam Naogeorgum, oder Kirchmair/ allererft in das Latin/ vñ darauß/ durch mich/ in Teütliche Sprach gebracht worden. Das thue ewr Kaifer. vnnd Königlichen Maieftat/ ich vnnderthånigfter ereerbietungs weiß/ vnnd in mainung / wie Jfocrates vor zeiten dem König Nicocli/ hiemit vnnderthånigft vereeren. Nit darumb/ daß ewr Kaifer. vnd Königlichen Maieftaten als den volkõnenften hãüptern/ jchtzit follichs oder dergleichẽ mangelte/ Sonnder allain mein gehorfamift vnnderthånigft hertz vnd gemüte dardurch zuerzaigen. Vnnd ob ewr Kai. vnd König. Maieftaten gnedigs gefallen darab trügen/ das jren Kaif. vnnd Königlichen Stammen vnd blüts hochloblichen nachkommen/ zu merung/ erweiterung vnnd erhaltung jrer erblichen auch eroberten Reiche vnnd höchften macht/ dardurch etlicher maß gedienet wurde: Alßdann bewarung vnd erhaltung der eroberten ding/ nit minder tugent vnd mühe erfordert/ dann etwas von newem zu gewinnen. Das gerüchen ewr Kaiferliche vnd Königliche Maieftaten/bitt ich zum allervnderthånigften/ von mir jren geringften diener/ alleredigft zúuermercken/ vnnd mich in jren Kaiferlichen vnd Königlichen Maieftaten fchutz vnd fchirm alleredigft befolhen zu haben. Geben zu Augfpurg/ den XXV Maij: Anno Domini M. D. XLVIII.

Ewer Kaiferlichen vnnd  
Königlichen Maieftaten

vnderthenigfter/  
Gehorfamifter/

Georg Frölich/genant Letus:  
Stattfchreiber zu Augfpurg.